

ME OC'H ADOR, O SACRAMANT SANTEL!  
GANT UR GALON EUN HAC FIDEL.



HON DELIVRAIT, O VA ZALVER JESUS!  
DEMEUS AN TEMPEST QEN KUZUS.

# AN TEMPEST.

Doux oll-galloudus, Mestr an elemantchou,  
 Cetu ni ta birio preiz eus an tourmantchou!  
 A boan eus pevar bloas, dre ur vocen euzus,  
 E voamp oll reduiset da ur stat horrerus,  
 Ma velomp var hor brô rên un Tempest counnar,  
 Hac a laqa fremi ar môr hac an douar.....  
 Petra eo an drous-se a vranl ar forestou,  
 A strael er menezioù, a scrich en draouiniennou?  
 Perac an drous hir-se, ar yuderes hep fin  
 Deus an elemantchou, diouz an nôs d'ar mintin?  
 An horrubl avel bis, stringet dreist hor pennou,  
 Dindan un eê ténaval a lanç e dempestou.  
 Yudal, trei ha gourdrous a ra gant trous spontus,  
 Hac e venaç dreist-oll Breiz-Izel maleurus!  
 Goaguennou ar môr don a sav vel menezioù,  
 Hac en o fionch qerqent e fonç an abimou;  
 Ar gouez, er c'houjeyer, fraillet ha diframmet,  
 Hac ar ravach dre oll a ra en em velet;  
 Ar grizill, ur môr giso a gües vel un diluch,

\* Hac a laq endro deomp qement so en distruch.  
 \* Ar voasiouigou so en goasiou bras chenchet,  
 \* Hac an oll rivierou tro vardro debordet;  
 \* Lodennou menezioù so en em distaget,  
 \* Pontchou so distrujet, ha ties discaret;  
 \* O restajou a heuil fulor an doureyer;  
 \* Anfin, nemet horrol dre oll mui na veler.  
 \* An dour hac an avel, en ur seurt tintamar,  
 \* A ra crena betec e calon an douar.  
 \* Var ar môr al lestri, tolet ha distolet,  
 \* A string var ar riblou corfou martolodet,  
 \* Ar bed so menacet da zistrei d'ar c'haos,  
 \* Hac e seblant mesqa hac an deiz hac an nôs.  
 \* Peur e velimp ar c'halm en hor brô baour o ren,  
 \* Hac ar boneur etouez an oll bobl christenien!  
 \* O Tempest spouronus! arrêtit ho ferror....  
 \* O va brô! ô natur! ô theatr a horror!....  
 \* O Doue! chadennit an tourmantchou dirol,  
 \* Ha roit, ni ho ped, ar c'halm brema deomp oll.

## P E D E N

*D'hon Autrou Jesus-Christ, evit obten demeus e visericord divin ma laqoyo fin d'an Tempest horrubl pehini a laqa an desolation da rên en hor brô baour.*

O va Zalver adorabl ha meurbet carantezus! prosternet humblamant ouz ho treid sacr, ha leun a gonfiac en ho madelez infinit, e credan dont d'bo supplia da laqat un termen d'an Tempest horrubl pehini a rên abouez qeit all amzer, hac a zoug ar ravach hac an distruch ebars en hon toues.

Pa en em dichaden an aveliou counnaret varnomp, en eur yudal qer spontus; pa deu al luc'hed d'hor spouroni; pa grên an douar ha pa zeu d'en em digueri gant an nerz demeus an tourmantchou, betec ar fonç eus e abimou, na ellan caout nep recours nemet ennoc'h, va Doue, hac e lavarân diouzôn va-unan: O va Doue! c'houi a so mad; na erruo netra nemet ar pezh ho pezo ordrenet.

Oll œuvrou ho taouarn, ô va Doue! oll e tennont d'ar vad assambles; oll e zeo buez an natur; ne zeus na maro, na destruction absolut. Na zeus nemet chenchediguez ha passach da ur vuez nevez.

Ordren a rit-hu d'ar gurun, d'an tempest, dont d'am distruja? cetu me amâ; prest oun, va Zalver, mar deo ho polontez; depouillit ac'hanôn demeus ar c'horf marvel-mâ; mes, petra a ellont-i a enep va ene immortal? Ma affranchisso ac'hanôn demeus a liamou ar c'hig, ha va aperet a yêlo ennoc'h da gavet e liberte. Autrou J.-C., hoc'h adori a rân e creiz an Tempest horrubl pehini a rên, e creiz ar storloq euzus eus an oll elemantchou dichadennet, eus an drous bouzarus eus an doureyer a gouez demeus an eê a livadou vras.

Doue a garantez! mar teu ar grizill, an tourmant, da ravagi parqeyer va amezeg; mar teu ar fouldr da laqat an tân en e di, va freservit da soñjal en deveus meritet an disfortun-se. Ra bellayo ur soajeron qer fall diouzôn. Inspirit din qentoc'h compassion e so urzou a garantez. Nebeutoc'h e zeo ur c'bastiz oc'h eus sobet var va amezeg, eguet un accidant destinnet da eprouvi va c'harantez.

Felvezout a ra deoc'h, ô va Zalver adorabl Jesus-Christ! e recefen ebars va zi an hini en deveus collet e hini, e partachen frouez va douarou gant an hini en deveus dioueret e re, pe dre an Tempest, pe dre ur maleur all benac. Se eo ho polontez santel; oll e tenn d'an union divin, d'au union eus a garantez Doue gant ar bed antier. O Jesus-Christ! hoc'h adori a rin bepret e creiz an Tempest, rac beza e roc'h en oll an Doue a garantez.

Deurvezit ive teuler ur zell a drugarez var ar vartolodet paour, perê, epad rên an tourmant horrubl-mâ, a so exposet da vil danger. Anfin, Autrou Jesus-Christ, plijet d'ho madelez infinit laqat ar c'halm da succedi d'an Tempest spouronus pehini a zoug an horrol hac an distruch en hon toues. Evelse bezet grêt.

Y 02